

TICA GIEL A IMPRESIONA TUR HENDE

ORANJESTAD [AAN] E soprano arubano Tica Giel a impresionar grandemente cu su recital durante es anochi di diabierna 31 di Mei ultimo den Cas di Cultura. Su actuacion tabata di un nivel internacional, y cu a ranca e ovacion como muestra di agrado di e sala.

E prome parti tabata un variacion di areanan di opera, mientras cu e di dos parti a consisti di cantonan na papiamento.

Despues di intermedio Ministro Ing. R.H. Lacle den nomber di Gobierno a entrega e artista arubana un plakaat cu e siguiente inscripcion "Pa e mérito y exitonan internacional como soprano y cargadora di nos cultura".

Tica Giel a mira luz di dia riba Aruba, y ya for di e edad joven di 14 aña su aspiracion mas grandi tabata di ser un cantante, y

el a cuminsa canta musica local y latino cu un combo local. Alavez Tica a gusta studia y a gradua como Analista Quimico na Leiden y a traha un par di aña den e Laboratorio di Lago. Pero for di 1977 te cu 1984 e tabata studia na e Conservatorio na Alkmaar, unda el a gradua, y for di 1985 te cu 1988 el a studia na e Conservatorio Sweelinck na Amsterdam y gradua como cantante di opera bao guia di e profesornan Cora Canne Meyer y Margreet Honig. Tica a realiza performance den oratorios y conciertos di opera na Hulanda y a yega na duna varios recital durante su carrera. E tecnologia moderno no a for di e liña di Tica ya cu el a produci caba riba CD's (Compact Disc).

Wim Statius Muller ta

uno cu a nace na Curaçao, kende tambe a ricibi su prome enseñanza for di Jacobo Palm, kende tabata un profesor y na e mesun tempo compositor y realizador di musica bunita y agradable di e isla. Despues cu Wim a termina su estudio na Juilliard School na New York, bao di e guia di Jozef Raieff, Wim tabata duna lesnan di piano y siña e historia di musica na e Ohio State University. Na 1984 el a produci cu exito "Danzanan Antillano, y despues di esey na 1990 "Opus 4 di Danzanan Antillano" tambe cual por ser scucha riba CD. Tambe e tabata tin actuacion musical hunto cu Tica Giel y graba alavez riba CD tambe.